



Bosna i Hercegovina
Босна и Херцеговина

Agencija za
identifikacione/identifikacijske
dokumente/isprave, evidenciju i razmjenu
podataka Bosne i Hercegovine



Агенција за
идентификациона документа,
евиденцију и размјену
података Босне и Херцеговине

Broj: 15-03-16-5-48-54/24

Datum: 26.8.2024. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o izboru najpovoljnijeg ponuđača

Član 1.

Najpovoljniji ponuđač u postupku javne nabavke **kancelarijski materijal sa obrascima i papirom – LOT2 – obrasci i papir**, objavljen na web Portalu javnih nabavki Bosne i Hercegovine, Obavještenje o nabavci, broj 1110-1-1-49-3-71/24, dana 8.7.2024.godine, a koji je proveden otvorenim postupkom, je **R&S D.O.O. SARAJEVO**.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na web stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon provedenih aktivnosti, Komisija za provođenje postupka javne nabavke **kancelarijski materijal sa obrascima i papirom – LOT2 – obrasci i papir** je konstatovala da su do roka za prijem ponuda, dana 7.8.2024. godine do 10:00 sati, na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija), pristiglo ukupno šest (6) ponuda i to: **ŠTAMPARIJA FOJNICA dd Fojnica, MT doo Banja Luka, KMC doo Banjaluka, R&S doo Sarajevo, INTER-COM doo Zenica, GATARIĆ doo Derventa**. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-48/24 od 19.8.2024. godine, u kojem su detaljno obrazloženi razlozi za izbor najpovoljnijeg ponuđača.

U skladu sa navedenim zapisnički je utvrđeno da ponude ponuđača KMC doo Banjaluka, MT d.o.o. Banjaluka i R&S doo Sarajevo ispunjavaju sve zahtjeve u pogledu opisa predmeta nabavke, uslova za kvalifikaciju i tehničkih specifikacija, odnosno da su sve tri ponude



kvalifikovane i prihvatljive u pogledu dokaza koje dostavljaju ponuđači, a dokumenti su dostavljeni na propisani način kako je to definisano tenderskom dokumentacijom.

Komisija je analizom ponuda utvrdila da ponuda ponuđača ŠTAMPARIJA FOJNICA DD FOJNICA sa sjedištem u Fojnici je neprihvatljiva, te se ista odbacuje s obzirom da u ponudi nije dostavljen dokaz tražen pod tačkom 6.5.1. o ispunjavanju uslova u pogledu člana 48. Zakona , u skladu sa tačkom 6.5.1. LOT 2 alineja b) Tenderske dokumentacije.

Takođe, Komisija je analizom utvrdila da ponude ponuđača INTER-COM d.o.o. Zenica i Gatarić d.o.o. Derventa treba odbaciti iz razloga što je u ponudi dostavljena obična kopija prevoda dokumenta, sa pečatom ponuđača, te su njihove ponude iz navedenog razloga neprihvatljive.

Analizom i ocjenom ponuda nakon održane e-aukcije, u postupku sa kriterijumom najniža cijena, Komisija je konstatovala da je ponuda **R&S d.o.o. Sarajevo** sa ukupnom cijenom od **30.687,30 KM bez PDV-a**, odnosno **35.904,14 KM sa PDV-om** najpovoljnija, te s obzirom da ista u ekonomskom i tehničkom smislu u potpunosti zadovoljava zahtjeve ugovornog organa dala je preporuku da se donese odluka o izboru ovog ponuđača za najpovoljnijeg.

Na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od deset dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević

Дигитално потписано / digitally signed